

永春縣志

1276  
74册  
地 310.77  
42  
一 11-6



中國歷史地理研究所  
經濟地理學

Pe 83  
12320  
59861-6

永春縣志  
三十三卷



上章啟祥之  
歲陽月刊

序 史以志爲難尤莫難於地方之志言修志於今日之永春則尤難之難者夫豈獨纂述之才鮮當其選卽故老彫零典籍蕩盡問百三十年遺文軼事於農氓市賈之口而兵戈擾攘索賦簡卒之不遑又足以奪諮詢之日力棼考訂之端緒是猶負山嶽萬鈞重載而陟邛崃之峻坂重險障其前危崖鑿其後旁無虬蟬蟻子之援而野獸暴客之窺閒而伺隙者又不可僂指計也而石峯煥卿希淵奉若安甫翥甫諸君子竟以期年之間畢蒐討能事而吾師臥雲先生以百二十日之功筆削勘定不藉書人卒成巨帙爲卷三十有三爲目四十子目類列蓋以百計而周天之經緯山水之脈絡政事之因革物產之名狀與

永春縣志

序

一

夫師儒講授之奧良臣獻替之略宿將攻守之迹其提要鉤玄訂譌補闕出舊志紀述之外而補採訪之所不及者雖起莘田雪蓬於九原當亦歎措手之無從而駭其成功之偉也而吾師不自滿假數致書於余慨事力之掣肘程限之匆促文繁用寡未能希武功朝邑之風而里居之表氏族之志華僑貨殖之傳例以禮由義起之旨不妨自我作古破格紀錄而卒以遭際時艱無可藉手功虧一簣不能無待於後人者有味乎其言之也然卽其所就已足以攷千餘年來百里之內政治之隆替風教之美惡人物之盛衰爲吾永必不可少之書異日者吾儕僑處海外之民無慮數萬習居異俗問以桑梓文獻數典忘祖甚或

視同秦越而今而後家置一編人手一冊當父師之詔語儼墳  
廬之式瞻而愛祖愛鄉愛國之心有不油然而生者哉因忘其  
譾劣喜而序之質諸先生與同事諸君子當不以爲僭也昔  
民國十六年正月李俊承序於星洲海天別墅

永春縣志目錄

卷一

疆域沿革表 附圖

卷二

緯候表 附舊志星野篇辨誤

卷三

大事志 附災祥

卷四

山川志 附關隘險要

卷五

永春縣志

目錄

水利志 附橋梁

卷六

城市志 附交通

卷七

建築志

卷八

名勝志

卷九

戶口志 附惠政

卷十

賦稅志 附度支

卷十一

物產志 附實業

卷十二

職官志 附兵制

卷十三

學校志

卷十四 上下

選舉志 上下

卷十五

永春縣志

目錄

二

禮俗志

卷十六

祠祀志

卷十七

藝文志 附金石

卷十八 上中下

列傳 上中下

卷十九

儒林傳

卷二十

文苑傳

卷二十一

忠義傳

卷二十二

孝友傳

卷二十三

獨行傳

附隱逸

卷二十四

方技傳

卷二十五

上中下

永春縣志

目錄

三

列女傳

上中下

卷二十六

循吏傳

卷二十七

流寓傳

附方外

卷二十八

雜錄

附後序

書後

凡例八則

一正名 永春自清雍正朝升縣爲州兼轄德化大田故乾隆時杜鄭二公撰述皆并合兩縣事實爲一編名曰州志非選嘉名蓋紀實也今既革除階級制度復州爲縣自無兼采鄰縣事實之理非惟事力所不及實亦法律所不許也故復康熙以前舊稱仍名縣志所謂南山可移此案不易

二斷限 開局之初或有言宜止述宣統以前者有言宜修至民國七年者議論紛紜莫衷一是乃貽書南洋廣詢衆意後得星洲李君俊承復書其議始定斷限至宣統三年民國以後事實留俟後來續修今並錄原函附弁簡端

永春縣志

凡例

一

三定篇 舊志五種篇目次第多有出入茲謹遵民國五年省垣志局所頒通例爲準惟其間事實有他縣所有永春所無者或雖有而事簡文寡不能成篇者如有教會而無教案則無交涉可言司法未獨立監獄未改良則無刑律可紀又如交通惠政兵制實業之類不過數行或一二葉可了如各別爲卷未免煩碎今於無者闕之寡者合之略以類從其事多文繁者則分爲子卷如選舉志分爲上下卷之類庶免膠柱鼓瑟之譏亦無斷鶴續鳧之病

四取材 永春自隋唐設場五代立縣有清置州經過時代約千餘年徵文攷獻乾隆以前以杜鄭兩志爲藍本乾隆五十

二年之後迄於光宣百三十餘載政事人物全憑採訪此外惟同治間所刊福建省志略紀嘉道間事或有一二出於故老傳聞或散見譜牒文集者苟有可稽無不彙入加以彙括惜縣署文案及故家紀述數更兵燹蕩然無存如戶口志咸同以後至無一字可憑是也欲求完備難乎其難

五削繁 先輩詩文除碑記銘狀議奏外感詠風景者多無關事實而舊志別輯藝文一門與南宋四明志附刻吳潛詩詞無異實皆可省也今惟擇一二有關事實風教者散附各篇條下其餘概刪去之以符事增文省之旨其前代名賢有全集行世者如東坡朱子之書比於日星常見則只略載交遊

永春縣志

凡例

二

事迹或摘取要語不錄全篇其他生存諸人文字雖佳不錄庶杜標榜之私兼免繁重之病

六正訛 事有傳聞異辭文有亥豕沿誤者雖名賢著述及通行典籍不能全免要於大體無關及理有可通者不妨兩存然亦有一字之差而褒貶異用者如舊志呂華傳以力竭而陷之陷訛爲降字致省志於忠節傳內一字不登則其過殊非淺鮮又俗傳威應侯爲陳後主子則不獨與盛烈所記不符按之陳史亦多刺謬茲皆隨事辯正不敢苟同

七集長 歐書列傳多出子京班史天文實賴馬續能有所不兼也此志雖名重修實多新創如緯候之分舊志幾無一句

可憑非林君賡颺以曆算名家悉心鉤稽不能如是之詳確也職官選舉則全資石峯先生而煥卿希淵兩先輩多識前言往行其相助亦甚多惟諸山脈絡分布起止由少壯遊眺得之故一變舊規稍開生面惜岱山天湖以及大靜武極一帶未曾經過不能一一縷析也

八志餘 永春前輩詩文別集刊布流傳者極少選集則更不概見故杜鄭兩志多附錄遊眺懷古及碑銘誥勅雖裁以繩墨多不應存然得以藉見名賢著述之一二未嘗無所補也惟良楛雜陳以云紀事則多浮華而鮮實以云選文更屬駢枝而拇指茲痛爲刪削以求簡淨其文之佳者擬再輯爲桃

永春縣志

凡例

三

源文徵別爲一集行世而同時師友之著作附焉似勝於以事存詩者之難於棄取也若夫冗濫之文尋行數墨多至千數百言而求其指要率不過數十字當時幸而因事以傳今亦從俗錄之實因期限太促無暇芟削過而存之讀者幸毋以痴嗜見諒

編者識

丙寅孟春星洲華僑李俊承答永春縣修志局書

去臘杪接惠書知奉當軸委修吾邑志乘地方喪亂之餘何幸有此盛舉海外鄉僑同深慶幸并聞公等議定由前清乾隆修至民七截止鄙意以爲未當蓋縣之有志猶國之有史際茲國步多艱人民水深火熱地方慘狀已達極點共和偉人大半生存公等受人民信仰主持世論對於見代具有移風易俗之萬能卽發潛闡幽表彰先輩嘉言善行亦足誘獎後進敦崇名節砥礪廉隅自應憑良心主張秉正不阿執春秋董狐之筆一字褒貶嚴於斧鉞庶足以儆奸邪而揚良善然處強權之下又恐直言觸諱於公等不利若奉承當道一味褒揚諒非公等素志

永春縣志

答書

一

不特有玷志乘神聖光輝抑恐無以昭示後世而反開今人以藉口之端矣卽將來編纂告竣呈部存案亦多費疑問諒公等之明早計及此固無待遠人贅言語曰君子居是邦不非其大夫使無可非而非之是過毀也使有可非而非是曲隱也鄙見莫如修至宣統截止而民國時事留待後人較爲直截了當不失於此亦不失於彼編成一部最有精神有價值之志乘得與國史並存公等之令名亦與永垂不朽芻蕘之獻未悉以爲然否來書云及因永局陡變縣署代籌款項歸於泡影以致功敗垂成預算尙需貳千元卽可告竣似此桑梓義務力倘能逮責何敢辭當盡絲力以成其美卽日匯寄廈門永春會館貳千

大元交其暫爲貯存預按壹千伍百元爲將來編成印刷之需  
其餘或充局內經費概由公等酌量支配可也書到希通函接  
洽就妥專此肅復祇頌編安

永春縣志卷一

疆域沿革表 附圖



序曰昔河圖垂括地之文王母進益疆之版嗣是禹貢詳其山川職方辨其都鄙洎乎班固司馬彪之史裴秀賈耽之書則沿革之事詳而圖表之用廣矣閩西北負山東南面海其位置在太平洋西岸為我國內地十八行省之一絕長補短方四千里洪荒之世本在海中山海經而永春為其屬縣之一僻居泉劍之間其疆域之區分蓋自唐虞之際大禹治水任土作貢自淮至海統為揚州之域在周為七閩地春秋以後為越地越王句踐六傳至無疆滅於楚又七世至閩越王無諸姓騶氏然概視以荒服羈

永春縣志

卷一

疆域沿革表

一

縻而已秦并六國統一海內立閩中郡始置戍焉漢高帝既滅

西楚立越後為閩越國冶縣地

無諸從漢滅楚有功復立為閩越王都冶

元鼎中為

會稽南部地

武帝以閩越數反覆徙其民江淮間後復以其地置會稽南部都尉

建安初為侯官

縣地三國為吳建安郡東安縣地

吳永安三年黜孫亮為侯官侯立建安郡又析侯官地置

東安晉為晉安郡地

太康三年析建安郡置晉安郡即今福州

宋為晉平郡地四年始

改晉安蕭齊仍之梁陳為南安郡地

天監中析晉安置南安郡今南安縣其治所也

是以後草萊稍闢漸成村落然未成為行政之區域也迨隋開

皇置桃林場始有守土之職尚無自立政權仍附於南安縣舊

志探入閩書隋開皇九年南安郡廢改晉安縣為南安以西

二鄉置桃林場通志從太平寰宇記以場為唐長慶二年置顧氏方輿唐隸豐州武德五年析南又隸泉州貞觀初省豐州併

紀要同安縣置豐州

即今又隸武榮州龍溪置武榮州旋省復置後又隸泉州景

福州又隸武榮州龍溪置武榮州旋省復置後又隸泉州景

武榮為泉州即今泉州司其事者巡邏征稅等於鎮戍末流而

已至五代唐長興四年舊志三年即閩龍啓元年方輿紀要王延鈞升桃

林場為桃源縣於是有地方政治職守而疆域以定舊志閩書本隋南安

縣之桃林場五代唐長興三年王延鈞升為縣晉天福三年閩元隆王昶改桃源縣為

永春縣仍隸泉州舊志從閩書晉天福三年王昶改縣名曰永

晉天福七年閩永隆四年也輿地紀勝云開運二年入南唐建

隆初歸宋並屬泉州開運中留從效劫泉州刺史王繼勳降江

源軍降乾德間改清源南縣屬南唐清源軍宋建隆初從效以清

軍為平海軍縣並屬焉歷經元泉州路明泉州府以及清初縣

名及隸屬如故清雍正十二年升縣為直隸州領德化舊屬泉州大

永春縣志

卷一 疆域沿革表

田舊屬延平二縣從閩督郝玉麟之奏也其奏疏及部議入自此歷

高仁宣文穆景諸帝二百餘年相沿不改宣統三年清帝遜位

王子以後中華民國成立革除舊制府州階級於是永春復還


為縣直轄於福建廈門道焉謹綜本末表而列之如左

縣	唐虞	秦	漢	三國	晉
	夏商	周	吳	揚州	江州
建	揚州	閩中郡	閩越國 會稽南部	會稽南部	揚州
			冶縣	建安郡	晉安郡
				東安縣	晉安縣
	屬地	屬地	屬地	屬地	屬地





# 永春五十七鄉七十二都全圖



**圖例**

縣界  
 鄉界  
 里界  
 城  
 關